

Willsch' verreisa - noa bleibsch' en BAWÜ!

S1) Am Bodasee fährsch' Du solar em Schiff
Vom Moschd en Tübenga kriegsch' glei' da Pfiff
Em Neggarr bada isch' fei' ätzend cool
En Bada-Bada schdragsch' Du en da Pool!

R: *Emmr weidr weg isch' längschd perdu*
Für da Moa' em Mond isch' au' zu früh
Willsch' verreisa - noa bleibsch' en BAWÜ! (Baden... Württemberg)

S2) Die Wutachschlucht isch' heutzutag Event
Sinsheimer Technik kennt a jedes Kend
Des Badaweiler des isch' Wellness pur
En Bad Wurzach doa geit's Schadda für dei' fenfte Kur

R: *Emmr weidr weg isch' längschd perdu*
Für da Moa' em Mond isch' au' zu früh
Willsch' verreisa - noa bleibsch' en BAWÜ!

Z: Oh i' schdeh' uf Mauldascha und uf badische Knöpf
I' ben Saure Nierla - Kuddl - Freak
Zom Veschbr i' gwiaß dreng an schwäbische Riasleng
Doch zom Feschd-Mahl Spätburgunder - ond der kommd aus Bada!

S3) Für's Paragliding fährsch' uf d' Schwäbisch Alb
Em Scharzwald machsch' an Kurs für Arnika-Salb'
Zom Wellareita hosch' Bad Friedrichshall
Zom Schlenza Freiburg - a klarer Fall!

R: *Emmr weidr weg isch' längschd perdu*
Für da Moa' em Mond isch' au' zu früh
Willsch' verreisa - noa bleibsch' en BAWÜ!

S4) A' Ökopaddl-Tour em Donautal
An Zaun für Kröta - des hebt die Moral
Italien fendesch' em Markgräflerland
Badisch' Toskana für dein' Sonnabrand....

R: *Emmr weidr weg isch' längschd perdu*
Für da Moa' em Mond isch' au' zu früh
Willsch' verreisa - noa bleibsch' en BAWÜ! (Baden ----- Württemberg)